

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI^e siècle apparentés au *Trésor des joyeuses inventions*](#)[Collection](#)[ŒUVRE : Recueil de tout soulas](#)[Collection](#)[Édition : 1562 - Recueil de tout soulas - Bonfons](#)[Item](#)[1562_Recoutoutsoulas_Bon] 006 Ma Dame je vous donne des salutz

[1562_Recoutoutsoulas_Bon] 006 Ma Dame je vous donne des salutz

Présentation générale du poème

Titre de la pièce Épistre première à une Dame.
Incipit non modernisé Ma dame je vous donne des salutz

Les pages

En passant la souris sur une vignette, le titre de l'image apparaît.

3 Fichier(s)

Présentation de l'exemplaire

Formatin-8
Imprimeur-libraire Bonfons, Jean
Date 1562
Lien vers la notice du catalogue de la bibliothèque où est conservé l'exemplaire <https://catalogue.bnf.fr/ark:/12148/cb39331696h>
Type de numérisation Numérisation totale

Emplacement du poème

Rang dans le recueil n° 006
Foliotation A7v, A8r, A8v
Présentation typo-iconographique Illustration

Informations sur la notice

Contributeur(s) Saignol, Côme
Éditeur Équipe Joyeuses inventions ; EMAN (Thalim, CNRS-ENS-Sorbonne nouvelle)
Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Source gallica.bnf.fr / BnF

Notice créée par [Côme Saignol](#) Notice créée le 24/10/2017 Dernière modification le 04/11/2021



RECUEIL DE

28 Epistre premiere
Vne Dame.



MA dame ie vous donne des salutz
Humbles autant que furent pieça leuz,
Auoir este par quelqu'vn enuoyez,
Afin que mon vouloir par ce en voyez
Estre enuers vous du tout bon & parfaict,
Vous assurant qu'ay par dict & par faict,
Après auoir longuement attendu,
Le lieu cherché oportun & temps deu,
Auquel fournir ien'ay pas sceu pouruoir,
Tant pour sçauoir nouvelles, que pour voir
Assurément vostre desirée face:
Car pour tout vray tout desplaisir efface,
Et me semble que mon cueur va par l'ær
De ioye quil a, quand ie vous oys parler,
Ou de vous voir. & aussi pour mercy

TOVT SOVLAS.

Qui vient vers vous, & vous reclamer si,
A vous rendre vostre liure ay proumis,
Contre raison, ainsi qu'auois promis,
Pour m'excuser: car n'ay sceu homme sage
Et seur aussi, trouuer qui le message
Par deuers vous eust sceu mettre en effect,
Et qu'ainsi soit mon deuoir i'en ay fait
Me pourmenant tant la comme en ça:
Depuis vn moys ou quinze iours en ça,
Cuydant trouuer le Frater par chemin,
Auquel baillé l'eusse pour parchemin,
Ou du papier d'ancre noir t'a signé,
Lequel il eust deuers vous assigné
Secrettement: car luy donnez los, tel
Que vous nauez celuy en vostre hostel
Qui soit meilleur pour vn tel secret taire,
Et qu'ainsi soit, autresfois secretaire
Vous l'auiez fait, comme i'ay aperceue:
Mais à la fin encor' ay ie apart sceu,
En aucun lieu voir vostre bonne ancelle,
Bonne la dis: car depuis vn an, celle
Je n'ay trouué qui m'ait fait desplaisir,
Je dis si grand, comme elle de plaisir,
Quanta voulu à ce s'humilier
De bonsuouloirs donner vn millier
De tous salutz au vray nom de celuy
Qui enuoya lors vn Rondeau, celuy
Eust eu pour lors du papier encor nect,
Plume taillée, & de l'ancre au cornet,

RECUEIL DE

Et le loysir qu'a heure voudroit prendre,
 Il n'en fust pas maintenant à reprendre:
 Mais promptement il eust faict son deuoir,
 Or maintenant, il vous suplic de voir
 Ceste presente, & de bon moyen mettre
 Que r'escrirez, ou en prose ou en metre:
 Car il desire de bref apercevoir,
 Que vous ayez voulu apart ce voir
 En excusant la faute des lourds doigtz
 Qui l'ont ainsi composée en lourdois
 En y faillant tant en la comme en ça:
 Car par icy leur maistre commença,
 Et pour autant à faute merité,
 Que pardonnez à sa temerité,
 Qui entreprenent ces folz escritz à faire,
 Qui ne sont faicts pour quelqu'un sien affaire:
 Mais seulement pour de son corps & d'ame,
 Tousiours monstrier vostre humble serf madame.

✠ Epistre.

M Adame. N. i'ay entrepris vous escrire
 Chose dequoy vous ne ferez que rire,
 Comme ie croy, veu que veux faire essay
 De rimoyer ceste presente, & sçay
 Que peu ou neant, i'entends à cest affaire,
 Et mieux vaudroit que i'essaye à faire
 Aucune lettre en oraison folue,